

ARRANTZALIAK (Herrikoia)

Arrantzaliek bere oie itxitxe
Kanpora duez zintzorik
Gero guztidxe osasunegaz
Eta iñor be ez geixorik
Otzaratxu bat otzaratxu bi,
Arraño dator portura beti
Beseue lebatza ta papardo
Beste askoren ganetik.

Gure kalia farolak dagoz
Santa Barbaran bat be ez,
Santa Barbarako imetxuak be,
Amaño duez negarrez

Larrosatxuak bost orri dakoz
Krabeliñiak amabi
Gure Juanito biar dauena,
Eskatu beran amari

Eulariotxu ez zara dxungo,
Txirlorak batzen Talara
Aitak ekarri dirua eta,
Bilboko kolekidxora.

Ure edanda ogidxe dxanda,
Arri garbidxen lo egin
Oraziñuek balidxo badau
Zeruan dago Balentin

Neure maitia kartzela baten
Gaiuen eitxen dau lo
Adiskideak nortzuk dirazen,
Dxakitxiarren hobeto

Arrantzalie nai ta ez dakot dirurik
Iru alaba daukadaz ezkondu gaberik
Laugarrena semia kapote zaharrarekin
Konejua dirudi beran bizarrakin

Pasaten naitxenien zeure balkoipetik
Negarrak itxitxen dost begi bidxetatik
Zeitxik zeitxik zeitxik, zeitxik negar egin
Zeruan izarra dago itxaso aldetik

Astelehenien ezkondu eta
Martitzenien basora
Eguaztenien orbelak batun,
Eguenien etzera

Andra zantarra entzuten dozuz
Itsosorako kanpaia,
Lau sagar muskil ogi puska bat
Egun guztiko jakia.